



UPRAVA POLICIJE

Broj: 05-04/06-19-142/2023
Datum: 03.02.2023. godine

Na osnovu 14. stav (1), člana 17., člana 18. stav (1), člana 87. stav (2) Zakona o javnim nabavkama („Službeni glasnik BiH“, broj 39/14, 59/22), člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj 13/16, 16/17, načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona donosi:

POSEBNU ODLUKU
o pokretanju postupka javne nabavke

Član 1.

Odobrava se pokretanje postupka javne nabavke - usluga servisiranja službenih motornih vozila Uprave policije MUP USK-a, u garantnom roku marke „ŠKODA“ na period od dvije (2) godine (2023.-2024. godina) uz zaključenje Okvirnog sporazuma sa jednim dobavljačem.

Član 2.

Procijenjena vrijednost javne nabavke bez uračunatog PDV-a iznosi do 35.000,00 KM (slovima: tridesetpethiljada KM i 00/100).

Sredstva za ovu nabavku planirana su DOB-om (Dokument okvirnog budžeta) Uprave policije MUP USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine. Predmetna nabavka će se finansirati iz sredstava budžeta Uprave policije MUP USK-a za 2023 i 2024. godinu

Član 3.

Postupak javne nabave provest će se primjenom konkurentskog zahtjeva za dostavu ponuda, u skladu sa Zakonom o javnim nabavkama („Službeni glasnik BiH“, broj 39/14, 59/22), podzakonskim i internim aktima.

Zakonski osnov za provođenje postupka javne nabavke predstavlja član 87. stav (2) Zakona o javnim nabavkama.

Oznaka i naziv iz JRJN (jedinstveni rječnik javne nabavke) - usluga servisiranja vozila pod garancijom: 50112000-3.

Član 4.

Otvaranje i ocjenu ponuda provest će Komisija za javne nabavke imenovana Rješenjem Uprave policije Ministarstva unutrašnjih poslova Bihać broj: 05-04/04-2-30-463/22 od 26.07.2022. godine.

Član 5.

Za realizaciju ove Odluke zadužuje se Sektor za materijalno – finansijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 6.

Ova Odluka stupa na snagu danom donošenja.

Obrazloženje

Uprava policije MUP USK-a Bihać u voznom parku ima 7 novonabavljenih (2021. i 2022.g.), službenih motornih vozila marke Škoda, tip Octavia NX, a u toku 2023.godine nabavit će se još 7 vozila tip Octavia NX i 10 vozila tip Kamiq.

Navedena vozila imaju garanciju 4. odnosno 5.godina ili pređenu kilometražu 120.000 odnosno 150.000 km/h, te je ista potrebno održavati u ovlaštenom servisu do isteka garancije.

Zbog ukazane potrebe da se službena motorna vozila servisiraju u garantnom roku a koji ističe 2025. godine, odnosno 2027. godine ili po pređenoj kilometraži, predviđeno je pokretanje postupka javne nabavke usluga. Ugovorni organ nije u mogućnosti definisati tačnu količinu predmeta nabavke, a obzirom da će se ova vrsta usluga ponavljati i u narednim godinama (do isteka garantnog roka), predviđa se zaključivanje Okvirnog sporazuma sa jednim dobavljačem na period od dvije (2) godine (2023.-2024. godina).

S obzirom da se radi o postupku male vrijednosti, odnosno da procijenjena vrijednost nabavke ne prelazi 50.000,00 KM bez PDV-a, predviđena je vrsta postupka putem konkurentskog zahtjeva za dostavu ponuda u skladu sa čl. 87 Zakona o javnim nabavkama. Sredstva za ovu nabavku su planirana DOB-om (Dokument okvirnog budžeta) Uprave policije MUP USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine.

Na osnovu utvrđenog činjeničnog stanja, odlučeno je kao u članu 1. ove Odluke.

Dostaviti:

- Komisiji za javne nabavke
- Sektor IKT
- a/a



502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba, mat-fin-ikt@mupusk.gov.ba